

ახალი

# ახალი განთავსი

„შედნიერია ის, ვისაუ  
სამშობლოსათვის უძვერს გული...“



„განთიად  
პილინი  
ხილა  
ჩაილა.  
განთიად  
ნაკვალა  
შედა  
და  
განაინი  
შენ...“

2025 წელი 28 თებერვალი №2 (8213) ქალთა AxaliGantiadi@gmail.com

## გვ7. 2024 წლის პროექტები

## გვ2. ქაისის მუნიციპალიტეტის „სოფლის მხარდაჭერის პროგრამის“ ფარგლებში: სართო კრებები და კონსულტაციები

გვ2.



## გვ3. კავკასიაში პირველი ეროვნული უნივერსიტეტი

## გვ3. რაც მავონდება...

## გვ2. სპორტული მოქმედების რეაბილიტაციის

## გვ4. მომდარალი მოქმედებები: გიგანტური (სოფალი მოქმედი)

## გვ3. ნიგნის საჯაროდ კითხვის მსოფლიოდ

## გვ2. ასფალტ-გამონის საფარის პირველი ფენა

## გვ2. სეზონი - გვსოლი.

## გვ3. სეზონი - მიმდინარე

## გვ3. კალთბურთი

## გვ6. საოცარი

კასპის მუნიციპალიტეტის სოფელ გარეყულაში მცხოვრებ, მეორე მსოფლიო ომის ვეტერანს შალვა გოჩიტაშვილს 101 წელი შეუსრულდა.

იუბილარს, დაბადების დღე კასპის მუნიციპალიტეტის მერმა ვახტანგ მაისურაძემ,

საკრებულოს თავმჯდომარემ შოთა ბეგლარაშვილმა, სსიპ ვეტერანების საქმეთა სახელმწიფო სამსახურის წარმომადგენელმა კასპის მუნიციპალიტეტში, თადარიგის პოლკოვნიკმა ლაფრენტი ბაიდაურმა, შიდა ქართლის სამმართველოს უფროსმა ზვიად საბაშვილმა და ადგილობრივი თვითმმართველობის წარმომადგენლებმა მიულოცეს.

### მოხილვარი კრონიკა

კასპის მუნიციპალიტეტის სოფელ ჩანგილარში 50 ბავშვზე გათვლილი ახალი საბავშვო ბაღი გაიხსნა.

საბავშვო ბაღის შენობა ორი სოფლის – ფერმა - ჩანგილარის მცხოვრებ პატარებს მოემსახურება. დღემდე საბავშვო ბაღს დამოუკიდებელი შენობა არ ჰქონდა და ნაქირავებ ბინაში ფუნქციონირებდა.

შენობა სრულად შეესაბამება თანამედროვე სტანდარტებს და ადაპტირებულია სპეციალური საჭიროების მქონე პირებისთვის. გარდა ამისა, მოეწყო ეზო და ბავშვთა გასართობი სივრცე.

## სოფელ ჩანგილარში ახალი საბავშვო ბაღი გაიხსნა



საბავშვო ბაღის შენობის გახსნის ღონისძიებას კასპის მუნიციპალიტეტის მერი ვახტანგ მაისურაძე, შიდა ქართლის სახელმწიფო რწმუნებულის ლევან ხარაბაძე და ადგილობრივი თვითმმართველობის წარმომადგენლები ესწრებოდნენ. მუნიციპალიტეტის მერმა და მხარის რწმუნებულმა პედაგოგებს, აღსაზრდელებს, მშობლებს

მიულოცეს ახალ შენობაში გადასვლა და წარმატებული სასწავლო წელი უსურვეს. როგორც მათ აღნიშნეს, მომავალ თაობაზე ზრუნვა და სათანადო პირობებში სკოლამდელი აღზრდის მიღება მათთვის მნიშვნელოვანია. პროექტი მუნიციპალური განვითარების ფონდის დაფინანსებით განხორციელდა.

### სოფელ თქმისხევეში

კასპის მუნიციპალიტეტის მეფისქალაქის ადმინისტრაციული ერთეულის სოფელ თქმისხევეში, მისასვლელი გზის მოწყობის სამუშაოების მეორე ეტაპი დაიწყო.



მიმდინარე სამუშაოს კასპის მუნიციპალიტეტის მერი ვახტანგ მაისურაძე საკრებულოს თავმჯდომარესთან შოთა ბეგლარაშვილთან და ადგილობრივი თვითმმართველობის წარმომადგენლებთან ერთად გაეცნო.



გზაზე ასფალტბეტონის საფარის პირველი ფენის დაგება მიმდინარეობს. პროექტი გარ-

დამავალია, დაიწყო 2024 წელს და 2025 წელს სრულდება. პროექტი რეგიონის განვითარების ფონდის და ადგილობრივი ბიუჯეტის თანადაფინანსებით ხორციელდება.

## მეორე მსოფლიო ომის 101 წლის ვიგარანი

ილობრივი თვითმმართველობის წარმომადგენლებმა მიულოცეს.

ვეტერანი ომში 17 წლის ასაკში წავიდა, ომის დასრულების შემდეგ უკრაინის შავიზღვივების იტავა და სამ-

შობლოში 1947 წელს დაბრუნდა.

კასპის მუნიციპალიტეტის მერია შალვა გოჩიტაშვილს ულოცავს დაბადების დღეს, უსურვებს ჯანმრთელობას და დღეგრძელობას.



# კასპის მუნიციპალიტეტში „სოფლის მხარდაჭერის პროგრამის“ ფარგლებში: საერთო კრებები და კონსულტაციები

კასპის მუნიციპალიტეტში „სოფლის მხარდაჭერის პროგრამის“ ფარგლებში საერთო კრებები და კონსულტაციები აქტიურად მიმდინარეობს.

2025 წელს განსახორციელებელი პროექტების შერჩევის



თავმჯდომარე შოთა ბეგლარაშვილი ადგილობრივი თვითმმართველობის წარმომადგენლებთან ერთად ადმინისტრაციული ერთეულების 14 სოფლის მოსახლეობას შეხვდნენ. ხელისუფლების წარმომადგენლებმა შეხვე-

მიზნით შეხვედრები ამჯერად მეფისქალაქის, ახალციხის და წინარეხის ადმინისტრაციული ერთეულის სოფლებში გაიმართა.

კასპის მუნიციპალიტეტის მერი ვახტანგ მაისურაძე, მერის პირველი მოადგილე დავით ქიციშვილი და საკრებულოს



დრებზე ადგილობრივებთან ერთად განიხილეს ადგილზე არსებული პრობლემები. ადგილობრივებმა კი დასახელებული პრობლემებიდან პროგრამით განსახორციელებელ პროექტებად შეარჩიეს მათთვის პრიორიტეტული და ყველაზე მნიშვნელოვანი.

## სპორტი - გაცხოვი, სპორტი - მიმოიწიწი

სპორტული სეზონი ერთიანი, უწყვეტი ციკლია. მას არ ახასიათებს კალენდარული შემოდგომა-ზამთრისა თუ გაზაფხულ-ზაფხულის არდადეგები, შესვენებები. ჩათვლება ერთი კალენდარული წელი და ზედგებების მომდევნო.

გასული სპორტული წლის მილიანი ციკლი წარმატებული გამოდგა ქართული სპორტისათვის. 2024-ის შთამბეჭდავი გამარჯვებებით მოგვიწია სიხარული და განცდილი შთაბეჭდილებები ჯერაც არ განელებიათ ჩვენი სპორტის სხვადასხვა სახეობათა ქომაგებსა და საყვარელი სპორტსმენების გულშემატიკვრებს.

საინტერესოა, უთუოდ, ამ მხრივ რა ხდებოდა და რა ხდება ადგილობრივი სპორტის დღევანდლობის თვალსაზრისით, ანუ, კასპის მუნიციპალიტეტის ფარგლებში?

ქვემოთ გთავაზობთ შემაჯამებელი ხასიათის მიმოხილვას, რომელშიც კასპის მუნიციპალიტეტის სასპორტო დაწესებულებათა გაერთიანების დირექტორი შოთა გოგიაშვილი საუბრობს რიგ მომთავერებულ და მიმდინარე საკითხებზე, კერძოდ:

- შარშანდელ სპორტულ შედეგებზე,
- გაერთიანებაში შემომავალი სასწავლო-საყვარული ჯგუფებისა და წრეების თაობაზე,
- სასპორტო ობიექტების სარემონტო-აღდგენითი სამუშაოების განხორციელებაზე ზამთრის პერიოდში,
- მუნიციპალური სპორტის სახელით მოას-



პარეზე გუნდებისა და სპორტსმენების მხარდაჭერაზე, წახალისებასა და დაფასებაზე,

- კასპში ჩატარებული და ჩასატარებელი სპორტული რესპუბლიკური დონის ტურნირებისა და პირველობების შესახებ,

- 2025 წლის სპორტული სეზონის გეგმებსა და მიზნებზე.

\*\*\*

შოთა გოგიაშვილი - კასპის მუნიციპალიტეტის სასპორტო დაწესებულებათა გაერთიანების დირექტორი (სამსახურს ხელმძღვანელობს 2013 წლიდან, მცირეოდენი წყვეტილობის ჩათვლით):

- სპორტში, როგორც წესი, ყველანაირი შედეგი, გამარჯვება და მიღწევა, ანარეკლია ამ ურთიერთ შეჯერების ფორმით. აი ამ მხრივ შარშანდელი ჩვენი მუშაობა არა თუ მარტო ქმედითი იყო, არამედ შედარებით

წარმატებულად წინა წელთან შედარებით. ეს ითქმის ჩვენთან დაწერილი სპორტის ყველა სახეობის მიხედვით, რამეთუ სრული 100 პროცენტით დაფინანსდა რეგიონული თუ საქართველოს მასშტაბით მონაწილე ჩვენი გუნდები. აქედან გამომდინარე, ყველა დონეზე გვყავს ჩემპიონებიცა და პრიზიორებიც.

ქალაქადა თუ სოფლებში გახსნილი გავიქეს და მოქმედებს ჯგუფები და სექციები სპორტის შემდეგ სახეობებში: ფეხბურთი, კალათბურთი, რაგბი, ჭადრაკი და შაში, მაგიდის ჩოგბურთი, ჭიდაობა (ქართული, ძიუდო, სამბო, თავისუფალი), კარატე და ტაეკვონდო, კიკბოქსინგი, ძალოსნობა (მკლავჭილი და წოლჭიმი)...

მათგან ყველაზე პოპულარულად მოჩანს ფეხბურთის მიმართულება. საკმარისია ითქვას, რომ აღრიცხვაზეა 400-დან 500-მდე ნორჩი ფეხბურთელი (აქედან კასპში 350). სულ კი, ყველა სადასსრული გვგ.

## ასფალტ-ბეჰონის საფარის პირველი ფენა

ქალაქ კასპში გრძელდება საგზაო ინფრასტრუქტურის მოწყობის სამუშაო.

მიკრორაიონის დასახლებაში, მირიან მეფის ქუჩაზე მდებარე №1 და №2 მრავალბინიანი საცხოვრებელი კორპუსების კვარტალურ ეზოებში მშენებელი კომპანია ასფალტ-ბეტონის საფარის პირველი ფენის დაგების სამუშაოს ახორციელებს. სამუშაო პროცესს კასპის მუნიციპალიტეტის მერი ვახტანგ მაისურაძე საკრებულოს თავმჯდომარესთან შოთა ბეგლარაშვილთან და ადგილობრივი თვითმმართველობის წარმომადგენლებთან ერთად გაეცნო.

დასახლებაში მერიაში გასულ წელს ადაგინა არსებული ხელოვნურსაფარიანი სპორტული მოედანი, მიმდებარედ მოაწყო ბავშვთა გასართობი სივრცე, მანამდე კი გარემოხმარების ფიტნესტრენაჟორები, ასევე დასასვენებელი სკვერი საბავშვო ატრაქციონებით.

ახლა საგზაო ინფრასტრუქტურას ვაწესრიგებთ - აღნიშნა მუნიციპალიტეტის მერმა ვახტანგ მაისურაძემ.

დალი კორკომაშვილი, კასპის მუნიციპალიტეტის მერიის ადმინისტრაციული სამსახურის პირველადი სტრუქტურული ერთეულის პირველი კატეგორიის უფროსი სპეციალისტი.



## სპორტული მოედნის რეაბილიტაცია

ქალაქ კასპში, მიკრორაიონის დასახლებაში ხელოვნურსაფარიანი სპორტული მოედნის რეაბილიტაცია დასრულდა. სპორტული მოედანი კას-



მართველობის წარმომადგენლებთან ერთად დაათვალიერა.

პროექტის ფარგლებში მიმდებარედ ბავშვთა გასართობი სივრცე მოეწყო. აღნიშნულ ლოკაციაზე მერიის მიერ გარემომარების ფიტ-

ნესტრენაჟორებიც ფუნქციონირებს.

პროექტის დასრულებამ ადგილობრივებს აღნიშნული ინფრასტრუქტურით ერთ სივრცეში სარგებლობის შესაძლებლობა მისცა.

გახლით ჩვენი მყითხველი!



დავით იაშვილი, დავით ალიბარაშვილი. მოწვეულ სტუმრებს გადაეცათ სამასსოვრო საჩუქრები.

როგორც ზემოთ მოგახსენეთ, 1918 წლის 8 თებერვალს გაიხსნა კავკასიაში პირველი ეროვნული უნივერსიტეტი. ამ მოვლენისადმი ჩვენ რაიონს განსაკუთრებული დამოკიდებულება აქვს ივანე ჯავახიშვილის გამო.

უნივერსიტეტის მთავარი დამფუძნებელი იყო ცნობილი ქართველი ისტორიკოსი, აკადემიკოსი ივანე ჯავახიშვილი. თანადადამფუძნებლები იყვნენ: კონსტანტინე აფხაზი, გრიგოლ გველესიანი, ექვთიმე თაყაიშვილი, გიორგი ახვლედიანი, შალვა ნუცუბიძე, დიმიტრი უზნაძე, გრიგოლ წერეთელი, აკაკი შანიძე, ანდრია რაზმაძე, იოსებ ყიფშიძე, კორნელი კეკელიძე და პეტრე მელიქიშვილი.

პროფესორი პეტრე მელიქიშვილი, მსოფლიო სახელის მქონე ქართველი ქიმიკოსი, რუსეთის საიმპერატორო აკადემიის წევრ-კორესპონდენტი, ივანე ჯავახიშვილის წარდგინით, აირჩიეს უნივერსიტეტის პირველ რექტორად.

საქართველოს, რომლის საუკეთესო ტრადიციები განათლების სფეროში საყოველთაოდ



იყო ცნობილი (ფაზისის ფილოსოფიისა და რიტორიკის სკოლა კოლხეთში (IV საუკუნე), გელათისა და იფალიოს აკადემიები (XII საუკუნე), სამონასტრო-საგანმანათლებლო ცენტრები პალესტინაში (V საუკუნე), სირიაში (VI საუკუნე), საბერძნეთში (X-XI საუკუნეები), ბულგარეთში (XI საუკუნე)), პოლიტიკურ-ეკონომიკური დაუძღურებისა და ბოლოს

### კავკასიაში პირველი ეროვნული უნივერსიტეტი

ბა. ერთ-ერთი პირველი ნაბიჯი, რომელიც ქართველმა ხალხმა გადადგა მეოცე საუკუნის დასაწყისში, საქართველოს მიერ ეროვნული დამოუკიდებლობის მოპოვებისა და ეროვნული დემოკრატიული სახელმწიფოს გამოცხადებამდე, სწორედ თბილისში ეროვნული უნივერსიტეტის შექმნა იყო. შემდგომ ბოლშევიკურ და კომუნისტურ პერიოდში, მიუხედავად იდეოლოგიისა და მკაცრი ცენზურისა, თბილისის სახელმწიფო უნივერსიტეტმა შეძლო ეროვნული

გენლები, ჩამოაყალიბა საყოველთაოდ ცნობილი სამეცნიერო სკოლები მათემატიკაში, ფსიქოლოგიაში, ფილოსოფიაში, ენათმეცნიერებაში, ისტორიაში, აღმოსავლეთმცოდნეობაში.

თსუ-მ საფუძველი ჩაუყარა საქართველოში მრავალი უმაღლესი სასწავლებლის და საქართველოს მეცნიერებათა აკადემიის შექმნას.

1917 წელს ცარული იმპერიის დაშლის შემდეგ და თებერვლის რევოლუციამ შესაძლებელი გახდა რუსეთის იმპერიაში არარუსულენოვანი უნივერსიტეტის დაარსება.

ივანე ჯავახიშვილმა პეტერბურგში დააარსა საინიციატივო ჯგუფი, ხოლო მაისის დასაწყისში ჩამოვიდა თბილისში, სადაც ჩამოიტანა უკვე მზა წესდება და დახმარებისთვის ექვთიმე თაყაიშვილს მიმართა. 12 მაისს ჯავახიშვილმა და თაყაიშვილმა გამართეს დამფუძნებელი კრების პირველი სხდომა.

ერთ აღამიანს ძალიან ბევრი შეუძლია. ივანე ჯავახიშვილის ისტორია აღნიშნული ის თვალსაჩინო ნიმუშია.



რუსეთის კოლონიად გადაქცევის შედეგად რამდენიმე საუკუნის განმავლობაში აღარ გააჩნდა ეროვნული უმაღლესი სასწავლო დაწესებულებ

ლი სულისკვეთების შენარჩუნება, ზოგადსაკაცობრიო იდეალებისადმი მსახურება, აღზარდა ეროვნული ინტელიგენციის საუკეთესო წარმომად-

7 თებერვალს კასპის მუნიციპალიტეტის ა(ა)იპ ბიბლიოთეკებისა და მუზეუმების გაერთიანებამ (დირექტორი ეთერ ჩაღუნელი) ტრადიციულად ორი ღირსშესანიშნავი თარიღი ერთ შეხვედრაში გაერთიანა: 1918 წლის 8 თებერვალს გაიხსნა კავკასიაში პირველი ეროვნული უნივერსიტეტი, რომელმაც, ქართული საგანმანათლებლო ტრადიციების გათვალისწინებით, საფუძველი ჩაუყარა საქართველოში ევროპული ტიპის უმაღლეს სკოლას (დღეს თსუ) და საქართველოს მართლმადიდებელი ეკლესია 8 თებერვალს წმინდა კეთილმორწმუნე მეფის, დავით აღმაშენებლის ხსენების დღეს აღნიშნავს.

საქალაქო ბიბლიოთეკის დარბაზში (მენეჯერი მაია აბუაშვილი) უმასპინძლა თბილისის



თბილისის სახელმწიფო უნივერსიტეტის მუზეუმში ინახება ივანე ჯავახიშვილის ქალიშვილის ნათელა ჯავახიშვილის (1908–1983) მოგონებები. დასაწყისში ავტორი წერს: “მამას გარდაცვალებიდან ცოტა ხნის შემდეგ რუსუდან ნიკოლოზის ასულმა ნიკოლაძემ დამირეკა ტელეფონით და მითხრა – გირჩევ, ესლავე დაიწყო ჩაწერა ყველაფრისა, რაც კი გახსოვს მამასთან დაკავშირებით, თორემ გაივლის დრო და ყველაფერი გაფერმკრთალდება, დაკარგავს მკაფიო მოხაზულობას და აღდგენა კი გააყალბებს და სიზუსტეს დაუკარგავს”.

### ამონარიდი ნათელა ჯავახიშვილის მოგონებებიდან

მე მინდა, ჩემი მივიწყებულის გაცხემესიერებიდან ამოვკრიფო მამასთან დაკავშირებული ზოგიერთი მოგონება. ეს ძალიან მძიმეა და ამ აღელვებელი. არ იფიქროთ, ამის მიზეზი

### რაც მაგონდება...

ცრად, მე კი როგორც პირველ დღეებში, დღესაც იმავე სიმწვავეთი მოველი კარის შემოდებას, მისი შემოსვლით შემონათებულ შუქსა და სითბოს, მაგრამ ამოდ... მძიმეა იმიტომ, რომ მისი დღეების გზაკვლით მოფენილი გზა იყო, რომელიც მან თავდაუხრებლად განვლო...

უმეტესად ადამიანში ორი არსებაა – ერთია საზოგადოებრივ სარბიელზე, მეორე – ოჯახში, პირად ცხოვრებაში. მამაჩემის არსებას “უკულმა” მხარე ისეთივე ჰქონდა, როგორც “პირი”. ჩემი მეხსიერების მთელ მანძილზე მე მასსოვს მამა უადრესად კეთილი, ალერსიანი, გულისხმიერი. ასეთად იგონებს მას ყველა, ვისაც კი მასთან ურთიერთობა ჰქონია ოდესმე. მაგონდება, ერთხელ მოწაფეთა

### ნიგნის საჯაროდ კითხვის მსოფლიო დღე

5 თებერვალს აღინიშნა “ნიგნის საჯაროდ კითხვის მსოფლიო დღე”. დღეს 2010 წლიდან აღინიშნება და მას ყოველწლიურად მსოფლიოს 100-ზე მეტი ქვეყანა უერთდება. მასში მონაწილეობას იღებს 31 მილიონამდე ადამიანი. ამ დღის მიზანია ნიგნის კითხვის პოპულარიზაცია, ნიგნის ხმამაღალი კითხვის სიხარულის განცდა. აქ ადამიანები სხვადასხვა ქვეყნიდან ერთი სლოგანის გარშემო ერთიანდებიან: “კითხე ხმამაღლა, შეცვალე მსოფლიო”. საქართველოში ნიგნის საჯაროდ კითხვის ინიციატივით ნიგნის გამომცემელთა და გამავრცელებელთა ასოციაცია. ამ წელსაც, დონისძიებას შეუერთდნენ სკოლები, უნივერსიტეტები,

საბავშვო ბაღები, ბიბლიოთეკები. ტრადიციულად, ამ მნიშვნელოვან თარიღს აქტიურად შეუერთდა კასპის მუნიციპალიტეტის ბიბლიოთეკებისა და მუზეუმების გაერთიანება (დირექტორი ეთერ ჩაღუნელი).

“ნიგნის საჯაროდ კითხვის მსოფლიო დღე” აღინიშნა მთავარი ბიბლიოთეკის (მენეჯერი ხათუნა ბახუაშვილი) საბავშვო განყოფილებაში.

ლონისძიებაში მონაწილეობა მიიღეს კასპის №4 საჯარო სკოლის მე-3 კლასის (დამრიგებელი ნინო კობაური) მოსწავლეებმა. პატარა სტუმრებს გულთბილად უმასპინძლეს საბავშვო განყოფილების სპეციალურად მოწაფულმა, ლალი

თათანაშვილმა, მანანა ხუბაშვილმა. მოსწავლეებმა აირჩიეს დაწესებულების იაკობ გოგებაშვილის “საგანძურადან”. საჯაროდ კითხვაში აქტიურად ჩაერთვნენ მთავარი ბიბლიოთეკის სპეციალისტები: დიანა ხორბალაძე, ციცინო ბერიანიძე, მარინა შალუტაშვილი, ხმამაღალი კითხვის მართაობაში ჩაერთვნენ ამავე გაერთიანების სპეციალისტები: ლია სოზიაშვილი, ეკა კუსრაშვილი.

ნიგნის კითხვის მნიშვნელობაზე პატარებს ესაუბრა ბიბლიოთეკებისა და მუზეუმების გაერთიანების დირექტორი ეთერ ჩაღუნელი.

აქტიურ და მხიარულ პატარებს გულთბილად მადლობა გადაუხადა მთავარი ბიბლიოთეკის მენე

დასასრული გვ. დასასრული გვ. დასასრული გვ.

ორიოდე წლის წინ, 2023 წლის 14 მაისს, კასპის მთარ კელაპტრევილის სახელობის კულტურის ცენტრში კასპელი მომღერალი ოჯახების მშენებელი საკონცერტო სადამო ჩატარდა. პროგრამის წამყვანმა როცა გამოაცხადა, — სცენაზე ამჯერად კი გიგაურების ოჯახის მომღერალთა ჯგუფს ვიწვევთო სოფელ ოკმიდან, — მოწონების ნიშნად მაყურებლის ტაში გაისმა, მალე კი ჩაცხრა და დარბაზში გასაკვირი სიჩუმე გათქვა, რადგანაც ყველა სცენაზე დარბაზიდან ასასველელ რამდენიმე საფეხურიან კბეებს მიჩერდა: ისინი, ერთი ოჯახის წევრები, საფეხურებზე ზედმეტი სიფრთხილით დგამდნენ ნაბიჯებს. წინ ვაჟიშვილი იდგა, მესამე იყო მისი მეუღლე და ორივეს შუაში ჩაყვანებინა ქალბატონი და მისთვის ხელკავი გამოედო შეშველების მიზნით, — ემანდ, საფეხურებზე არ წაბორძიკდესო. ბოლოში კი ათიოდე წლის გოგონა მიჰყვებოდა და უფროსების შენელებული ტემპით მოძრაობას უწყობდა ნაბიჯს.

**რ ა ღ ა ც ნ ა ი რ ა დ** გაურკვეველი მომენტი შეიქმნა სცენაზეც, როცა ქალბატონი დააყენეს ერთ-ერთი მიკროფონის წინ. სანამ მათი ხმატკბილი ნამღერე მაყურებელთა რიგებს გადასწვდებოდა, დარბაზის აქა-იქ კუთხეში რამდენიმე მსმენელმა გაკვირვებით იკითხა: — ვინაა ეს ქალბატონი?

\*\*\* სულ ახლახან, წლები იანვრის მიწურულში, დაბადებიდან სამოცდამეჩვიდმეტე წელი შეუსრულდა სოფელ ოკმის სასოფლო კლუბის ამადგარ ლობტარს ციური გიგაურს. უკვე ათწლეულებია, რაც მშობლიურ სოფელში ქართული სიმღერისა და საგალობლების ჯადოსნურ მადლმოსილებას აზიარებს თანასოფელ გოგო-ბიჭობას. თავდაპირველად, სრული თოთხმეტი წლის განმავლობაში, თურმე სრულიად უსასყიდლოდ გარჯილობდა. მისი გულის სიღრმეიდან წამოსული კეთილშობილური სხივი დანახეს და დააფასეს, მოუწონეს და მხარში დაუდგნენ. ის მრავალმხრივ გასაცხარებული პროფესიონალია თავისი საყვარელი საქმისა, — ბავშვობიდანვე დაკარგული აქვს თვალის ჩინი და მის ირგვლივ არსებულ მზიან და ნათელ სამყაროს აღიქვამს მხოლოდ სმენადობით, სხვათა ნაუბარ-ხმანობით...

გასაკვირველად გადამდებია მისი ამჟამინდელი საქმიანობის, ყოფის, შემეუბნელობის, ამტანობის, შეძლების, ოჯახის ქალობის, დედობის, მთლიანობაში, ცხოვრებისეული წესი და უნარ-ჩვევები.

სანუკვარ ბავშვობაში, ცხრა წლის ასაკში, თავდატეხილი უბედურების მიუხედავად, აკი ცხოვრებაში დარჩა ქალად,

რომელსაც არ მოკლებია მზონობა, ანუ არის ლაზათიანი, გერგოლიანი, მარილიანი... ისევე შეუძლია, გამოთქმით წაგვიტოსოთ დიდი ვაჟას გაღეჭილი, — მაშ, მე რაღა ვქნა უსხვივომ, უსტარმა, უსინათლომა?..

მასში დღეს ორი ციური სულდემულობს — პატარა და დიდი:

ასსოვს და ენატრება, გონებაში ელაციცება მას, ცუგრუმელა და ახტაჯანა გოგონას, რომელსაც უყვარდა სოფლის მწვანე ყანებში თამაში, ჩამალვა, — აბა, თუ მიპოვით, ვინ მომაგნებსო, განა არ ვგეგარ ლამაზ ყვავილსო... ახლა რამდენი იყვნენ, ყველა ცელქი და მოუსვენარი, სულ ახლოდღები, დედამამიშვილები, უბნელები, მეზობლები... ასსოვს ისიც, ერთმა ბიჭმა როგორ გამოიტანა პაპისეული საფანტით დატენილი თოფი და ყინად გამოაცხადა, — მწყერზე სანადიროდ მივდივარო. მერე, ხელცარიელად მობრუნებულმა თანატოლებს როგორ მიუღერა ლულა, — გაიქეცით, ვისაც სირბილი არ შეგიძლიათ, გაფრინდით, ვითომ მწყერები ხართო!

მერე?... მერე ცამ იქუხა და ჩამოიქცა ზესკნელი, სამყარო გახდა ქვესკნელი, მთლიანად გახდა შავი, შავზე შავი და დარჩა ასეთი: უფერო, უმზეურო, უყვავილებო...

იმ საბედისწერო შემთხვევის შემდეგ ცაზე მზემ მეორე დილითვე მოიარა სოფლის სანახები, მაგრამ ყანაში ვეღარ მიგნო გოგონა-მწყერს, მრავალჯერ აკრიფა თავისი სხივები, მაგრამ ვეღარასოდეს გაასხვივონა პატარა ციური.

დიდის შესახებ, აბა, რა და როგორ გითხრათ. თვითონ ქალბატონი ციურის თაბახის ერთგვერდიან ჩანაწერს მოვიშველიებ. აი, მისი ცხოვრების სტრიქონთქმული:

— დავიბადე 1948 წლის 28 იანვარს კასპის რაიონის სოფელ ოკაში, სამამულლო ომის პირველი ჯგუფის ინვალიდის, ვასილ გიგაურის ოჯახში. დედა ადრეულ ასაკში გარდაემცვალა და გამზარდეს ბიბამ და ბიცოლამ.

1957 წელს უბედური შემთხვევის გამო დაკვარგე მხედველობა. ორი წლის შემდეგ შემიყვანეს ქ. თბილისის უსინათლო ბავშვთა სკოლა-ინტერნატში. იქ შევიწყველე მუსიკა და სიმღერა.

სკოლა დავამთავრე 1968 წელს. იმავე წელს ჩავაბარე მედიტონ ბლანჩივადის სახელობის №4 მუსიკალურ ტექნიკუმში.

1969 წელს პარალელურად ჩავაბარე ქ. თბილისის სახელმწიფო უნივერსიტეტში ფრიადებით (ისტორიის ფაკულტეტზე). სტუდენტობის დროს აქტიურად ვმონაწილეობდი მუსიკალურ სადამოებში (ხელმძღვანელები იყვნენ ნ. ედილაშვილი და ჰ. ლოლაშვილი). გამოვსულვარ სპორტის

საკავშირო სპარტაკიადებზე უსინათლოთა შორის.

1974 წელს დავამთავრე უნივერსიტეტი და სამსახური დავიწყე თბილისის საქალაქო მუსიკალურ-საესტრადო გაერთიანებაში (სოლისტად). წლების განმავლობაში ვმღეროდი უსინათლოთა კაპელაში. მასსოვს ჩემთვის ამადგარი ადამიანები: ა. მამცაშვილი, ა. ოვანოვი, ბ. თბილელი, ზ. მყავია, ნ. აბაშიძე...

1993 წლიდან სოფელ ოკაში ჩემი სურვილით სრული-



ად უსასყიდლოდ ვასწავლიდი (14 წლის განმავლობაში) ქართულ ხალხურ სიმღერებსა და საგალობლებს.

1979 წელს შემეძინა ტყუპი ვაჟი. საინტერესოა, რომ მათაც დაამთავრეს მუსიკალური სასწავლებელი და, თანაც, პარალელურად, იყვნენ მუსკომედიის თეატრის მომღერლები. ჩემი პოპულარობისა რა მოგახსენოთ — 2011 წელს გოდერძი შარაშიამ გადამიღო “იმედის გმირებში”. ასევე, ვმღერი გიორგი შენგელაიას მხატვრულ ფილმში “მიდიოდა მატარებელი”.

უკვე 30 წელზე მეტია, დღემდე ვმუშაობ სოფელ ოკმის სასოფლო კლუბში ლობტარად. ამიტომ არ შემიძლია, მადლიერება არ გამოვხატო ჩემი სოფლის, კასპის კულტურისა და მუნიციპალიტეტის ხელმძღვანელების მიმართ. აქტიურად ვმონაწილეობ ყველა ღონისძიებაში.

\*\*\* იოსებ გიგაური — კასპის მუნიციპალიტეტის მამაკაცთა ფოლკლორის ანსამბლის “მოურავის” წევრი (ციური გიგაურის ვაჟიშვილი):

— უკვე ათი წელია, “მოურავში” ვმღერივარ. ანსამბლში ჩემი გაწევრიანება ასე მოხდა: იმხანად ჩვენი ოჯახი კასპში მიიწვიეს საახალწლო ღონისძიებაში მონაწილეობისათვის. მთხოვეს, ცალკეც შემესრულებინა რომელიმე სიმღერა. დავთანხმდი და დიდი სიამოვნებით ვიმღერე “ღვინოვ, კახური”. ადგილობრივი კულტურის ხელმძღვანელებმა მოიწონეს ჩემი ნამღერე. ისინი მანამდე ისედაც მიცნობდნენ, რადგანაც ჩემი მეუღლე, ია ზოდიანიშვილი, სოფელში კულტურის სახლს ხელმძღვანელობს. ასე მოხდა ჩემი სცენაზე დადგო-

### მუსიკის ჰანგების ფერებით

მა (უკვე მეორედ, წლების შემდეგ). ასე შევემატე ანსამბლ “მოურავის” რიგებს, რომელსაც იმხანად ხელმძღვანელობდა ბატონი გივი ბახტაძე — მისი ჩამომყალიბებელი, სულისჩამდგმელი, მისთვის აკადემიური და პროფესიული სახის მიძღვემი. მას შემდეგ ეს კოლექტივი ჩემთვის მეორე ოჯახად იქცა. ჩემთვის დიდად საამაყოა,

საზეიმო ღონისძიება (საცხრა-მაისო იქნებოდა თუ საეკლესიო დღესასწაული), რომ ჩვენი ოჯახის წევრებს მონაწილეობა არ მიგველო. განსაკუთრებით დედა გამოირჩეოდა ხოლმე. საერთოდ, არა როგორც მხოლოდ შვილი, ადამიანურად მონიბლული, აღფრთოვანებული და გაკვირვებულიც კი ვარ დედაჩემისეული შინაგანი მობილი-ზეებით, შემართულობით, პროფესიული საქმიანობის ესოდენ ხანგრძლივი ერთგულებით, უდალატობით. მას, როგორც ლობტარს, თანასოფელი არაერთი ბავშვისთვის დაულოცავს გზა სასიმღერო სცენისაკენ. მისი ანსამბლის “იანვანას” ყოფილი წევრები სადღესოდ ასაკოვანი ხალხია. რამდენიმე მათგანმა საყვარელ პედაგოგს ამაგი ათმაგად დაუფასა და სულაც პროფესიად გაიხადა მუსიკოსობა, მომღერლობა. მაგალითად, დღესათვის ვანო სარაჯიშვილის სახელობის კონსერვატორიის დამამთავრებელი კურსის სტუდენტია ზურაბ შუკაკიძე. აი, მათე მეშველამვილმა კი სწავლა გააგრძელა საესტრადო მუსიკის მიმართულებით, დავით არჩვადის ხელმძღვანელობით. დედა ამჟამად აფრთიანებს ყოფილი მოსწავლეების შვილებს.

... ჩვენი ოჯახის წევრები რამდენჯერმე გამოვედით კასპის საქალაქო კულტურულ ღონისძიებებშიც. ასე იყო 2023 წლის მაისში, როცა სრული შემადგენლობით ვიმღერეთ კულტურის ცენტრის სცენაზე. მაქვს პატივი, ჩვენი ოჯახის კიდევ ერთი წევრი გაგაცნოთ — ჩემი ტყუპისცალი ძმა, ვასილი: ორივეს პაპების სახელი გვქვია. მანაც იგივე სახელოვნებო გზა გაიარა, როგორც მე. ერთად ვიყავით მუსკომედიის თეატრშიც. ოღონდ, მოგვიანებით, მან სხვა გზა აირჩია და, ასე ვთქვათ, უდალატა, ჩამომორდა სიმღერას. თუმცა, ახლა მისი ვაჟიშვილი მახარებს, ჩვენი ყოჩაღი გიორგი ფრიად მოწადინებული და დაინტერესებულია გიტარაზე დაკვრის ხელოვნებით. ახლახან იგი ოკაში იმყოფებოდა ბაბოს ოჯახში და მან და ჩემმა ბარბარემ (აი, მან, კასპში ჩვენთან ერთად რომ იმღერა) ისეთი მუსიკალური სადამო მოგვიწყვეს გიგაურების ჭერქვეშ, თქვენი მოწონებული!

მამინ იყო, რომ გიორგიმ ბარბარეს ასეთი რამ უთხრა: — შენ თუ მომავალი პიანისტი ხარ, მე მომავალი გიტარისტი!

— მე მჯერა მათი, მჯერა, რომ მათი ოცნება ახდება, — აი, ასეთი ოპტიმისტური განწყობით დაასრულა იოსებ გიგაურმა საუბარი.

ჩვენც დავიჯეროთ უფროსი და უძეროსი გიგაურებისა! **დასასრული ვკვ.**

### წიგნის საჯაროდ კითხვის მსოფლიო დღე

(დასასრული დასაწყისი გვ-3.)

ჯერმა ხათუნა ბახუაშვილმა და მიმართა, რომ მათთვის ბიბლიოთეკის კარი ყოველთვის ღიაა, რომ აქ მომუშავე თითოეული სპეციალისტი დგას წიგნისა და წიგნიერების სადარაჯოზე.

ლონისძიების ბოლოს, ტრადიციულად, პატარა სტუმრებს ბიბლიოთეკებისა და მუზეუმების გაერთიანების სახელით გადაეცათ სიგელები. ამ დღით ბიბლიოთეკას ბევრი ახალი მკითხველი შეემატა.

კასპის მთავარი ბიბლიოთეკის სამკითხველო დარბაზმა ამ თარიღს კვირული

მიუძღვნა (2 თებერვალი – 7 თებერვლის ჩათვლით). ამ ხნის მანძილზე ბიბლიოთეკის ერთგულმა მკითხველებმა ხმამაღლა წაიკითხეს ამონარიდები სხვადასხვა ბეჭდური მასალებიდან და საყვარელი ნაწარმოებებიდან. ხმამაღალი კითხვის აქტივობით იყო გამორჩეული მოზარდი მკითხველი იოანე თეთრადე, რომელმაც წაიკითხა ამონარიდები საკუთარი ნაწარმოებებიდან.

5 თებერვალს საჯაროდ კითხვის მსოფლიო დღეს შეუერთდა კასპის საქალაქო ბიბლიოთეკა (მენეჯერი მაია აბუაშვილი), მოაწყო გასვლითი ღონისძიება კასპის №3 საბავშ-

ვო ბავა-ბაღის (გამგე თეა ქუტაშვილი) აღსაზრდელებთან. პატარებს საქალაქო ბიბლიოთეკის სპეციალისტმა მერი ბარჯაძემ წაუკითხა ზღაპარი “ნაცარქექია”.

“იკითხე ხმამაღლა, შეცვალე მსოფლიო” – ამ დევიზით წიგნის საჯაროდ კითხვის მსოფლიო დღეს დიდი ინტერესით შეუერთდა მეტეხის სასოფლო ბიბლიოთეკა. მეტეხის საჯარო სკოლის მოსწავლეებმა ხმამაღლა წაიკითხეს სხვადასხვა ნაწარმოებები და ისაუბრეს მათთვის საყვარელი წიგნების შესახებ. ასე აღინიშნა 5 თებერვალი “წიგნის საჯაროდ კითხვის მსოფლიო დღე” კასპის მუნიციპალიტეტის ბიბლიოთეკებისა და მუზეუმების გაერთიანებაში შე-



მავალ ბიბლიოთეკებში. ეს დღე ვითარების, შემეცნების, ცოდნის იყო შესწავლა, რომ კითხვა არა მიღებისა და სამყაროს უკეთ მართლ გართობის, არამედ გან- შეცნობის საშუალებაა.

კასპის მუნიციპალიტეტის ბიბლიოთეკებისა და მუზეუმების გაერთიანება.

### ქაქუცას შეფიცულები კასპიდან

კასპის მოსწავლე-ახალგაზრდობის სახლის (მენეჯერი ლ. პეტრიაშვილი) ისტორია-მხარეთმცოდნეობის წრის (ხელმძღვ. ნ. მერებაშვილი) მოსწავლეებმა პატივი მიაგეს 1924 წლის აჯანყებაში მონაწილე ჩვენი რაიონელების, ქაქუცას შეფიცულების ხსოვნას, რომლებიც საქართველოს თავისუფლებისა და დამოუკიდებლობისათვის იბრძოდნენ.

ძველი ჰიმნით აჟღერებულ დარბაზში საქართველოს დემოკრატიული რესპუბლიკის დროში შემოვიდნენ მოსწავლეები: გიორგი და ლიზი ხუციშვილები, მარიამ ყაზარაშვილი, საბა წინამძღვრიშვილი, მარიამ კახიშვილი, ბარბარე ჩარაივი, ბარბარე ირემაშვილი, მარიამ ტალახაძე, ლუკა ქენჭაძე, ნინო გაბოშვილი, ნატალი ნონიაშვილი და თათა გელხაური. მოსწავლეებმა დამსწრე საზოგადოების წინაშე გააცოცხლეს 100 წლის წინანდელი საქართველოს ისტორიის ტრაგიკული ფურცელი. მხატვრულად წაიკითხეს ამონარიდები წიგნებიდან: ქაქუცა ჩოლოყაშვილი, სოლომონ ზაღდასტანიშვილის საქართველოს 1924 წლის ამბოხება, ილიას, კავალერიის პოლკოვნიკის

გიორგი ხიმშიაშვილისა და ქაქუცას „შეფიცულების“ რაზმის წევრის, მისხ ხელაშვილის ლექსები.

შეხვედრაზე აღინიშნა, რომ 1921 წლის თებერვალი ჩვენი ერის ისტორიაში სისხლიანი ასოებით ჩაიწერა, როდესაც საქართველოში რუსეთის მე-11 არმია შემოიჭრა და საფრთხე შეუქმნა მის დამოუკიდებლობას. ქართველი ხალხი აღდგა სამშობლოს დასაცავად. საქართველოს სხვადასხვა კუთხეში შეიქმნა შეფიცულთა რაზმები, რომლებსაც სათავეში ედგა ქაიხოსრო (ქაქუცა) ჩოლოყაშვილი, ღირსეული ჩამომავალი მე-17 საუკუნის სახალხო გმირის ბიძინა ჩოლოყაშვილისა.

ქაქუცამ ახალი წყობილების წინამძღვრე შეადგინა რაზმი „საქართველოს შეფიცულები“, რომელსაც ორგანიზაცია უნდა გაეკეთებინა პარტიზანული ბრძოლის დაწყებისათვის. ერთ-ერთი ასეთი რაზმი იყო შიდა ქართლში, რომელსაც ხელმძღვანელობდა ჩვენი რაიონის მკვიდრი, ქვემოხანდაკელი მიხეილ ლაშქარაშვილი. მასთან ერთად იბრძოდნენ შეფიცულები კასპიდან, რომელთა შორისაც იყვნენ: ლელო ჩიქოვანი, სიკო ალიმ-

ბარაშვილი, შალვა და ლევან ჯავრიშვილები, ალექსანდრე კარგარეული ...

„შეფიცულები“ 1922-24 წლებში მამაცურად იბრძოდნენ წითელი ტერორის წინააღმდეგ, მაგრამ აჯანყება გასცეს და მარცხით დამთავრდა. საქართველოში მკაცრი რეპრესიები დაიწყო, რომელმაც ბევრი ადამიანი შეიწირა.

1924 წლის სექტემბრის დამდეგს, სოფლებიდან მოაგროვეს 25 კაცი აჯანყებაში მონაწილეობის ბრალდებით და ტირიფონას ველზე დახვრიტეს. მათ შორის იყვნენ ძმები, მღვდლები პეტრე და ანდრია კარბელაშვილები, ამილახვრები, ზაალიშვილები, პარკაძეები, პეტრე ჭვლიძე, გიორგი უხნაძე (მღვდელი), ალექსანდრე მჭედლიშვილი და სხვა.

„მრავალი ვაჟაკი შეეწირა თავის სამშობლოს საქართველოს მსხვერპლად... მათი სახელი მქუხარებს და ზეობს სამშობლოსათვის... ისინი უკვდავნი არიან, საქართველოს არსებობადის დაუვიწყარნი.“ (მიხა ხელაშვილი).

ლონისძიებაზე გაშვებულ იქნა ვიდეოჩანაწერი 1999 წლის ოქტომბერში, ტირიფონას

ველზე, გადაღებული (მადლობას ვუხდით ავტორს ვანო ჯახუას). რაიონის მაშინდელი ხელმძღვანელობის გადაწყვეტილებით იმ ადგილზე, სადაც დახვრიტეს უდანაშაულო ადამიანები, აგებული იყო 1924 წლის საქართველოს თავისუფლებისათვის მსხვერპლად შეწირულთა მემორიალი (ესკიზის ავტორი, მხატვარი იორამ იმედაშვილი).

დახვრეტილი პეტრე ჭვლიძის შვილიშვილმა (აწ გარდაცვლილმა) პროფესორმა პეტრე ჭვლიძემ კასპელ კოლია პეტრუშოვს ქვაზე ამოაკვეთინა დახვრეტილთა გვარ-სახელები, რომელთა მოძიებამაც მას დახმარება გაუწიეს კასპის მხარეთმცოდნეობის მუზეუმის თანამშრომლებმა. ფილა დაიდგა 2022 წელს.

რეპრესირებულთა საფლავზე ანდრია კარბელაშვილის შთამომავალმა გიორგი კარბელაშვილმა ააშენა ეკლესია.

ლონისძიება საქართველოს ჰიმნითა და ილიას ლექსით დასრულდა: „დაე, თუნდ მოვკვდე არ მეზინიან, მაგრამ კი ისე, რომ ჩემი კვალი ნახონ მათ, ვინცა ჩემს უკან ვლიან თქვან: აღასრულა მან თვისი ვალი...“

წრის ხელმძღვანელმა ნანა მერებაშვილმა მადლობა გადაუხადა



მოსწავლეებს ღონისძიებაში აქტიურობისათვის, გ. ხორგუაშვილის სახელობის მხარეთმცოდნეობის მუზეუმის დირექტორს გ. ჩაღუნელსა და მის თანამშრომლებს თვალსაჩინოებათა და საჭირო ლიტერატურით დახმარებისათვის, მოსწავლეთა სახლის მენეჯერს ლელა პეტრიაშვილი, ვეტერანების საქმეთა სახელმწიფო სამსახურის წარმომადგენელი კასპის მუნიციპალიტეტში, თადარიგის პოლკოვნიკი ლავრენტი ბაიდაური, მე-4 საჯარო სკოლის პედაგოგი ვულო გიგაური, მხარეთმცოდნეობის მუზეუმის დირექტორი გიორგი ჩაღუნელი, თამარ გაბოძე, საზოგადოების წარმომადგენლები. გამოძველებმა აღნიშნეს, რომ მსგავსი ღონისძიებები ხშირად უნდა ტარდებოდეს სასწავლო დაწესებულებებში, რათა მომავალ თაობაში ამაღლდეს პატრიოტული გრძობა და პატივისცემა წარსულისადმი.

კასპის მუნიციპალიტეტის კულტურისა და სახელოვნებო სკოლების დაწესებულებების გაერთიანება.

**გამოგვიხეიარეთ!** **გამოგვიხეიარეთ!** **გამოგვიხეიარეთ!**  
ქვირფანო მკითხველო, ალაიანი სიმოხსლის განმავლობაში მკაპალი უხნაური, მოვლონელი თუ აუხნელი მოვლენის მოწეა სკაბა. ხშირ შემთხვევაში არ ვიხით, ვის გავუხიაროთ ნანახი, ალაბათ იხის შიხით, რომ შეიძლება არასწორად გაგვიგონე. თუ ყოფილხართ მოხსნეა აუხნელი, უხნაური, შეუხმოხელი მოვლენისა შეიძლიათ მოგვანოლოთ ამ მოვლენის ახსნაველი მანადა. ვინი განმოხიან და შეხნაველი შეიძვაბ თუ იგი სანიხნარყო იხნეაა გავითის მკითხველისათვის, გამოგვიხეიარეთ გავითიხი რუბრიკით შეუხმოხელი.  
საჭიროების შემთხვევაში შეგიძლიათ თქვენს მიერ შემოთავაზებული ინფორმაცია გადაეხეთ ეხსნარებას. შეხნაველისა და ვაუხნოვით პროფანოლონათა კომენტარებს.

„ახალი გზნთიადი,“ იძებს წაინცეროქსო სურსითებს წიხიონის სავხვითო თოყო-მაციანის შესკმენეოჯო. თხოვნით მიკმწითოჯო თხნწოწიონეოქებს - იაციოჯოთ თქოენი ყჯოი სჯონს მაციანეში! გამოგვიგვიხეიარეთ წაინცეროქსო თოყოქები!

ქილაობა ქილო

ჩვენებურები — პარიზში

არა, ფეხბურთელ კვარაცხელიაზე კი არა, ძუღლისტი ჩვენებურ ბიჭებზე მოგახსენებთ, თანასოფელელ ჯაბა პაპინაშვილსა და ირაკლი დემეტრაშვილზე, პარიზული ტატიამი რომ მოსინჯეს ამ თვის პირველივე დღეებში. პო, მხოლოდ მოსინჯეს, ორივე თელიანელი უმეღ-

ლოდ დაგვირჩა. კარგია, რომ პაპინაშვილმა, სამწლიანი შესვენების შემდეგ ისევ მოიხედა ძუღლოსაკენ და 2024 წლის მიწურულში საქართველოს ჩემპიონობასაც მიწვდა. კარგია, რომ გაჩემპიონებიდან მალევე იჭიბის სახელით 2025-ის სა-

დიულო სეზონის, ფაქტიურად, პირველ და პრესტიჟულ შეჯიბრებაში. თანაც, პარიზის დიდი სლემის ტურნირის ორდღიანი ორთაბრძოლები სწორედ მისი გამოსვლით დაიწყო (60 კილოგრამზე მჩატეები სხვებზე ადრე იწყებენ ასპარეზობას). მისდა და ჩვენდა სამწუხაროდ, მან პირველივე ჯახი წაავო იაპონელ სეკიმოტოსთან, მომავალ ფინალისტთან. პარიზული ნაა-

დრევი სათებერვლო ტურნირის მეორე დღეს გამოსვლები მძიმეწონის ნებმა დახურეს. აქ დემეტრაშვილის დებიუტი შედგა, მაგრამ მარცხიანი გამოდგა. სეზონის სტარტზე განცდილი წარუმატებლობის მიუხედავად, ვიმედოვნებთ, რომ ორივე მოჭიდავის გვარს წლის განმავლობაში არაერთხელ გავიგონებთ სხვადასხვა შეჯიბრების ჩემპიონთა შორის.

სპორტ-ინფო — 25 ს ს ს ა დ ა ს ს ს ა . . .



ქალაქი მეგობრული

ამ დღეებში გაიხსენეთ ქასპელი ერთი კაცი ცხელი და ცხელი მოყვარული და მოტრფიალე, საქალაქო და რაიონული პირველობების არაერთგზის მონაწილე და პრიზიორი ვალერიან (ვალიკო) ალაპიშვილი (6.02.1955 — 28. 08. 2018). მისი დაბადებიდან 70-ე წლისთავს მიემდგინა მორიგი, ტრადიციული, მეხუთე მემორიალი — მუნიციპალური პირველობა ჭადრაკში მამაკაცთა შორის.

ყველაზე მეტი გამარჯვება (7) და, შესაფერისად, იმდენივე ქულა აღმოაჩნდა ტურნირის მეორეადგილოსანს — ვატო ალაპიშვილს, ტურნირის ადრესატის ვაჟიშვილს, მაგრამ მან ერთადერთი პარტია სწორედ ჩემპიონთან დათმო. ამდენად, პირველი-მეორე ადგილის ბედი მათი ურთიერთშეხვედრის შედეგმა გადაწყვიტა.

მემორიალის გამარჯვებული გახდა გამოცდილი მოჭადრაკე და გაერთიანების მწვრთნელი მამუკა ზაქარაშვილი. მან წაუგებლად იასპარეზა. საჭადრაკო დაფებზე თეთრ-შავების არმიების ჭიდილში 8 მეტოქესთან 7 ქულა მოაგროვა (6 მოგება, 2 ფრე). მან ფაფაღვანიანი ჩემპიონობა მისთვის მესამეა.


მესამე ადგილი დაიკავა მიხეილ მაკევიციანი (6,5 ქულა) — მუნიციპალიტეტის მოჭადრაკეთა ნაკრები გუნდის წევრმა და გაერთიანების მწვრთნელმა ... კალათბურთში. მეგობრის და კოლეგის ხსოვნისადმი მიძღნილ ტურნირში მონაწილეობდნენ. ასევე: ლევან ქვიციანიშვილი, თამაზ ჯღანტიანიშვილი, ვალერი უზნაძე, ნუგზარ მენაბდიშვილი, რამაზ გიგიაშვილი და ლევან გეჯაძე.

აუბიძარი

გიორგი ბინაშვილი -80

ქასპის მუნიციპალიტეტის სპორტ-დაწესებულებების გაერთიანების (დირექტორი შოთა გოგიაშვილი, მენეჯერი ალექსანდრე ხუციშვილი) ჭიდაობის დარბაზში იანვრის ბოლოს ჩატარდა ვეტერანი მოჭიდავისა და ამაგდარი მწვრთნელის გიორგი ბინაშვილის დაბადების 80-წლისთავისადმი მიძღვ-

ნილი მუნიციპალური ღია პირველობა ჭიდაობა ძუღლოში (2011-12 და 2013-14 წლებში დაბადებულ მოსწავლეთა შორის). მონაწილეობდა 98 ნორჩი მოჭიდავე კასპიდან და მისი სოფლებიდან, აგრეთვე, დაბა წყნეთიდან. ყველა წონითი კატეგორიის ჩემპიონ-პრიზიორები დაჯილდოვდნენ მედლებითა და სიგელებით.



ადსანიშნავია, რომ იუბილარმა თავისი შეჯიბრების საყურებლად საგანგებოდ მოიწვია

...ევროდამკვირვებელთა ერთი ჯგუფის წევრები. ისინი კარგად იცნობენ და მეგობრობენ გიორგი ბინაშვილთან, რომელიც კონფლიქტის საზღვრისპირა სოფელ ლამისყანაში ცხოვრობს. მათ მიპატიჟება მიიღეს და არა თუ ქართველი მეგობრის შეჯიბრებას დაესწრნენ, აქტიურად ჩაერთვნენ მის მსვლელობაში. კერძოდ, რამდენიმე წონის გოგობიჭები დააჯილდოვეს კიდევ.

კალათბურთი

გასამოსარი

ი ა ნ ვ რ ი ს სპორტული გამოშვების გვერდში ამ, მართლაც, საოცარი გუნდის შესახებ საუბარი იმით დავამთავრეთ, რომ საქართველოს 2024-25 წლების თასის გათამაშების მერვედფინალური ორბრუნებიდან დაპირისპირების პირველ შეხვედრაში კასპში 22 იანვარს “გრიფინმა” ამავე პრიზის მარშანდელ მფლობელ კლუბს — თსუ-ს შტილის სტილში მოუგო: 102:98.

რადგანაც გათამაშების ცხრილში მეორე პოზიცია ეკავა. მესამეში გამარჯვებით რეპუტაციასაც აღიღებდა საკუთარი გულშემატკივრის წინაშე უსიამო მარცხის გამო და რეაბილიტაციის შესანიშნავი შანსიც ეძლეოდა, კვლავ ერწმუნა საკუთარი ძალებისა. ჰოდა, 31 იანვარს შინ დაუხვდა კახეთის შუაგული ქალაქის — თელავის “ბურჯს.” აი, აქ უნდა გამოჩენილიყო, კახური ციხე-სიმაგრე როგორი ქვა-კირით იყო ნაგები!

მესამე ტურის საშინაო მატჩი ლიდერმა “რუსთავმა” შინ იოლად მოიგო და ცხრილში ამით ცვლილება არ მოხდა: 6-6 ქულით პოზიციები შეინარჩუნეს. სტატუსკვო შენარჩუნდა მეოთხე ტურის თამაშების შემდეგაც: 7 თებერვალს “გრიფინმა” თბილისის სპორტის სასახლეში “სოხუმი-საქართველოს” წინააღმდეგ კიდევ ერთხელ შემოატრიალა მატჩის მსვლელობის ჩარხი და მეოთხე გამარჯვებას მიაღწია — 99:84; აი, “რუსთავმა” კი წინა დღით საკუთარ დარბაზში სძლია “ვერას” — 90:77.

პირველობის ოთხი ტურის შემდეგ “რუსთავის” ლიდერობა მოულოდნელი არ იყო. მიმდინარე სეზონამდე იგი სუპერლიგაში 34-ჯერ გამოდიოდა და მარშანდელი წარუმატებლობის გამო დაქვეითდა ერთი დონით. მოტივაცია ალიგის 6 გუნდში თუ ვინმეს გააჩნია, უპირველესად, მას!

მაშინ ეს ამბავი სენსაციად მონათლა და, მართლაც, ჰგავდა დაუჯერებელს. რა მოხდა განმეორებით შეხვედრაში, 27 იანვარს? — რა და რევანში შედგა: თბილისურმა სტუდენტურმა კლუბმა საბურთალოს, სპორტის ახალი სასახლის დარბაზში შიდაქართლელებს ნამდვილი შტორმი დაატეხა თავს და 107:77-ზე გამარჯვებით დაადასტურა თავისი კლასი! ანუ, კასპურ დაუჯერებელ ამბავს თბილისურმა დამაჯერებელმა აჯობა...

გასაოცარი იყო, სხვანაირი როგორ ითქმის, როცა მესამე პერიოდში მეტოქეს 20 ქულით ჩამორჩებოდა, მაგრამ არ გატყდა კულმინაციურ მომენტში. ჰოი, იღბლო და საოცრებაც, იმავე პერიოდში წინაც გავიდა და, საბოლოოდ, სასურველი ანგარიში შეინარჩუნა. სხვათა შორის,

“გრიფინს”, განა, არაა? — ის დებიუტანტის სახელით გამოჩნდა, ყველასათვის უცნობი ხილია, გამოუცნობი და ეგზოტიკური. საქართველოს მეცემენტეთა ორი ქალაქის კლუბების ცილაობა შუა თებერვალში დასრულდა, პირველი

წრის ბოლო მატჩით. 14 თებერვალს ისინი კასპის კალათბურთის დარბაზში დადგნენ ერთმანეთის პირისპირ: კასპელ მეცემენტეთა ქალაქის გუნდმა კარგად დაიწყო და პირველი პერიოდი 13-ქულიანი სხვაობით მოიგო. რუსთაველ მეცემენტეთა ქალაქის წარმომადგენლებმა მეორე პერიოდში რადიკალურად განსხვავებული თამაში მოახვიეს მასპინძლებს, ახლა მათ იმარჯვეს 15 ქულით და მატჩის პირველი ტაიმი მოიგეს. ასევე, გარდამავალი უპირატესობით წარმართა მეორე ტაიმი. საწყისი 10-წუთეული ისევ სტუმართა შეტევებით გასრულდა, აი, ბოლო პერიოდში კი მასპინძლებს მეორე სუნთქვა გაეხსნათ და სულაც 40 ქულას მოუყარეს თავი, საბოლოოდ კი 100-ქულიანი ნიშნულს გადაამეტეს — 104:93 — ასეთი ანგარიში დაფიქსირდა საქართველოს რეგულარული პირველობის “ა” ლიგის გათამაშების პირველი წრის ლიდერებს შორის.

ქილაობა სამგო ჩვენი პრიზიორები

ქ. თბილისში იანვრის ბოლო დღეს გაიმართა საქართველოს ჩემპიონატი კადეტ, ჭაბუკ და ახალგაზრდა სპორტსმენთა შორის (ვაჟები და გოგონები). ვიცე-ჩემპიონობას უწია ლუკა მღებრიშვილმა. მან ფინალური ორთაბრძოლა წააგო ვანელ მეტოქესთან და ვერცხლის მედალი მიიღო (58 კგ-ის კატეგორიაში). გიგა ჭიხინაშვილი მესამე იყო (აქ პირველი იყო თბილისელი, ვისთანაც დამარცხდა ქასპელი). ჭაბუკთა შორის გეგავს კიდევ ერთი მესამე პრიზიორი — ლუკა

გულდევანა, ხოლო ახალგაზრდებიდან — ორი: თიკო ბეგლარაშვილი და დავით ნინიკაშვილი. ჩვენი გაერთიანების წარგზავნილებს შეეძლოთ თუ არა უკეთ გამოსვლა? — თავად განსაჯეთ, თუკი მოვიშველიებთ პირველობის საერთო შედეგს: საუკეთესოდ გამოვიდნენ ვანელი ახალგაზრდა სპორტსმენები, რომლებმაც 4 ოქროს მონადავლეს, თბილისელებმა — 3, ქუთაისელებმა და ხობელებმა — 2-2, ხოლო 1-1 მედალი კიდევ 7-მა. აი, ქასპელებმა კი ვერც ერთი ოქრო!

გავრძელება დასაწყისი იხ. "ახალი განთიადი" №1 (8212).

საყოფაცხოვრებო ნარჩენების მართვა, ტექნიკის შეძენა.

ნარჩენების მართვის მიზნით მიმდინარეობს მომსახურების გაუმჯობესება, რისთვისაც ყოველწლიურად საჭირო ტექნიკის შეძენა ხორციელდება.

ადგილობრივი ბიუჯეტიდან შეძენილია:

1. 1 ერთეული მრავალფუნქციური, ბორბლიანი ექსკავატორ - დამტვირთველი გრეიდერი, რომლის საჭიროების აუცილებლობა მუნიციპალიტეტში არსებობდა (გვაქვს მაღალმთიანი სოფლები, უხვი ნალექის დროს იკეტება გზები).

2. 1 ერთეული ავტომანქანა ამწეკალათით.



ეპა. ამიტომ ნარჩენმზიდი ავტომანქანების დანარჩენ შემკრები კონტეინერების შეძენას მერია კვლავაც აგრძელებს.

სკოლამდელი აღზრდის დაწესებულებები

უმნიშვნელოვანესი პრიორიტეტია



პირობების შექმნა. ბავშვთა ბაღს, რომელიც სრულიად განახლდა და თანამედროვე

აბილიტაციის სახელმწიფო პროგრამის პირველი ეტაპის ფარგლებში კასპის მუნიციპალიტეტში 8 ახალი საბავშვო ბაღის მშენებლობა და ერთის რეაბილიტაცია დაიგეგმა.

სკოლამდელი აღზრდის დაწესებულებების მშენებლობა - რე-



აბილიტაცია. ანუ აღზრდის საზღვრების, პედაგოგების და მომსახურე პერსონალისთვის თანამედროვე სტანდარტული

დასრულდა: სოფელ ქვემო გომის, სოფელ ოკამის და

სოფელ ფერმის საბავშვო ბაღების მშენებლობა.

სამუშაოები მიმდინარეობს: სოფელ თვალადის, სოფელ

მეფისქალაქის 1, სოფელ მეტეხის, სოფელ ახალციხის და სოფელ ლამისყანის საბავშვო ბაღებში.

რეაბილიტაცია ჩატარდა სოფელ თეხის სა-

2024 წლის პროექტები

ღირებულება 16 070 585 ლარია.

მუნიციპალიტეტის 28 საბავშვო ბაღი საჯარო სამართლის იურიდიული პირის სტატუსის მისაღებად გადის ავტორ-



იზაციის პროცესს.

განათლება, საჯარო სკოლები, მუნიციპალური პროგრამა

სოფელ მეფისქალაქის საჯარო სკოლას ევროსტანდარტების შესაბამისი სარეაბილიტაციო სამუშაოები ჩატარდა (2 600 000 ლარი).

სკოლების მშენებლობა-რეაბილიტაციის სახელმწიფო

ლეების, კურსდამთავრებულების, სტუდენტების და მაგისტრების წახალისება.

მერიის მუნიციპალური პროგრამის ფარგლებში ოქროს და ვერცხლის მედალოსნებისთვის და 100% გრანტის მფლობელებისთვის დაწესებულია ფულადი ჯილდო 1 000 ლარის ოდენობით.

დაწესებულია აფხაზეთის ომში დაღუპული, კასპის ყოფილი გამგებლის პოლკოვნიკ ტარიელ შარიფაშვილის სახელობითი სტიპენდია. პირველი სემესტრის მონაცემებით სტიპენდია 9 სტუდენტს დაენიშნა.

კასპის ტექნოპარკის ორგანიზებით, საქართველოს ინოვაციების და ტექნოლოგიების სააგენტოს და შიდა ქართლის მუნიციპალიტეტების თანადაფინანსებით, მათ შორის კასპის, შიდა ქართლის რეგიონის ინოვაციების ბანაკში 13 კასპელი ახალგაზრდა ისვენებდა ბაკურიანში (5 დღე),



სტანდარტისაა. ახალი ბაღების მშენებლობის სახელმწიფო პროგრამის ფარგლებში მუნიციპალიტეტში მიმდინარეობს სოფელ ივოეთ-

ნ ოქტომბერს დასრულდა "კასპობაზე" 100%

რაც ერთგვარი სტიმულია ახალგაზრდებისთვის.

დასასვენებელი სკვერები წლის განმავლობაში მოეწყო: კასპში ლესელიძე-საკაძის ქუჩების მიმდებარედ, სოფელ ქვემო გომში, სოფელ ბარნაბიანთ კარში, სოფელ კაპრაშაიანში, სოფელ სარიბარში.

სოფელ დოესში კი სკვერის რეაბილიტაცია განხორციელდა.

ბავშვთა გასართობი სივრცე მოეწყო 6 გასართობი სივრცე: 2 კასპში - (მირიან მეფის და ჭონქაძის ქუჩებზე.), 4 - სოფელში: პანტიანი, ალაიანი, მეფისქალაქი და თვალადი.



ის, ფერმის, ნიგოზას და მეტეხის №1 საჯარო სკოლის მშენებლობა.

სასწავლო პირობების შექმნის გარდა მუნიციპალიტეტისათვის ასევე მნიშვნელოვანია წარჩინებული მოსწავ-

გრანტის მფლობელ 3 და 41 წარჩინებულ კურსდამთავრებულს გადაეცა აღნიშნული ჯილდო.

წლებია მაღალქულიანი სტუდენტებისა და მაგისტრებისთვის მუნიციპალიტეტის მიერ

დალი კორკომაშვილი, კასპის მუნიციპალიტეტის მერიის ადმინისტრაციული სამსახურის პირველადი სტრუქტურული ერთეულის პირველი კატეგორიის უფროსი სპეციალისტი.



### ჩივ მავობრივს ...

**დასასრული დასაწყისი იხ. გვ-3.**  
 რასაკვირველია, მამასთან დაკავშირებული მოგონებები იმ წუთიდან იწყება, რა წუთიდანაც შეიძლება, ბავშვის გონებამ გარემო სამყარო შეიცნოს და დაიხსომოს. ჩემი ბავშვობის პირველი მოგონებები მშობლებთანაა დაკავშირებული. საერთოდ, ეს კანონზომიერია, მავრამ ჩემთვის მით უფრო ბუნებრივი იყო, რადგან მე პეტერბურგში დაიბადე. იქ მამა, დედა და მე 1915 წლამდე მარტოები ვცხოვრობდით.

პირველი სურათი – ჩვენი პატარა ოთხთახიანი კოხტა ბინა. ალბათ, სადილის შემდეგ, სხედან დედა და მამა, მე მამის კალთაში ვზივარ, უფრო – მუხლებზე და მამა მახტუნავენს... “აჩუ, აჩუ ცხენო!”... ჩემს ალტაცებას საზღვარი არა აქვს,

მავრამ ვატყობ, იღლება, სახე შეუწითლდა. ამის ძალიან მეშინია და ვჩივებ. ვიცი, რაც მოსდევს ამას: მამა ტკბილად მეტყვის: აბა, ჩემი ყელი მომე, ყელი. – კისერს გადავუწევ და მამა ყელში მკოცნის, უღვაშები მიღუტუნებს, მე ვკისკისებ... მერე მამა მიაბობს მშენიერ ზღაპრებს ამირანზე და კამარ ქეთუზე... მამა ძალიან ბევრს მუშაობს თავის პატარა კაბინეტში, ან უნივერსიტეტშია. ვიცი, მუშაობის დროს ხელი არ უნდა შევუშალო, მავრამ საღამო ისე არ გავა, რომ არ მეთამაშოს.

ბუნდოვნად მახსოვს ბიძაჩემი დათა, რომელიც იმ ხანად ჩვენთან ცხოვრობდა. იატაკზე დაფენილ ხალიჩაზე ვსხდებოდით ერთად, ქართული ანბანიანი კუბიკები მქონდა და ის ჩუმ-ჩუმად მასწავლიდა ანბანს.

ერთად ვადგენდით სიტყვებს – ერთ, ორ და სამარტოვლიანს. ასეთი “საინტერესო” თამაში დიდხანს არ გრძელდებოდა, რადგან მამა არ აძლევდა ნებას – ადრეა და გადაიტვირთებაო. ჩემთვის ამაზე საინტერესო წუთები არ არსებობდა. ამის გარდა, მასწავლიდა ხოლმე ქართულ სიმღერებს...

მახსოვს, ხშირად მოდიოდნენ მამასთან იოსებ და დავით ყიფშიძეები, აკაკი შანიძე, იოსებ ანთაძე, ნინო ლომოური. მე ძალიან მიყვარდა მათი შეკრებები, თუმცა, რასაკვირველია, მათი საუბრის შინაარსი ჩემთვის გაუგებარი იყო.

მამას დაწესებული ჰქონდა, რომ მერე აუცილებლად უნდა გამასპინძლებოდა და მაშინ მეც ვიღებდი მონაწილეობას. გარდა გარკვეული

დღეებისა, ყოველ დღესსწავლულზე “სტუდენტები”, როგორც ვუწოდებდით მათ, აუცილებლად ჩვენთან იყვნენ ხოლმე. ვიცოდი, რომ მათ ქართულად უნდა ესაუბრათ და თუკი ვინმე წამოიწვებდა რუსულად ლაპარაკს, მე ვამბობდი:

– ქართულად, ბატონებო, ქართულად! როგორც შემდეგ მივხვდი, ეს შეკრებები ქართული სამეცნიერო წრის სემინარები იყო და ამიტომაც იყო აუცილებელი ქართულად მეტყველება, შემდეგ – “უნივერსიტეტი საქართველოში” – ხშირად გაისმოდა ამგვარი სიტყვები. კვირაში ერთხელ სტუმრად მივდიოდით ნიკო მარის ოჯახში.

წელიწადში ორჯერ მოვიდიოდი თბილისში. კარგად მახსოვს, რასიხარული იყო პეტერბურგის სიმარტოვით თავ-

მობეზრებული მთელი ჩვენი ოჯახისათვის საქართველოში წამოსვლის დროის მოახლოება. უკანასკნელ წუთამდე მამას სულ საქმეები ჰქონდა ხოლმე და ყოველთვის ბოლო წუთებში მივდიოდით სადგურში. დედა ღელავდა, რომ დაგვავკვიანდებოდა. ბარგი ყოველთვის ბევრი გვქონდა, რადგან მარტო მამის წიგნები და საშუალო 2-3 დაწნული (ჩემოდნის მსგავსი) კალათით მიგვკონცეპტებდნენ იოსებ ყიფშიძე, აკაკი შანიძე და ელენე ჩიჯავაძე (ბიძაჩემ დათას საცოლუ, რომელიც მისი გარდაცვალების შემდეგ ჩვენთან ცხოვრობდა. ცნობილი ბაქტერიოლოგი).

თბილისში ჩამოსვლისას დედაჩემის დედის, ნინო ნიკოლოზის ასულ

ორბელიანის სახლში ვცხოვრობდით. ზაფხულობით აქედნ სოფელში მივდიოდით: ან მამისეულ სოფელში, ან პაპიდისა – ატენსა თუ ლამისყანაში.

ლამისყანაში ჩემი დედადამეძლიებინა (კიტა აბაშიძის ოჯახი) ჩამოდიოდნენ. მამა უმეტესად ან თბილისში რჩებოდა, ან მიდიოდა. ზაფხულშიც არ მახსოვს, რომ დაესვენა. თბილისში ჩადიოდა სხვადასხვა საზოგადოების სხდომებზე. კითხულობდა საჯარო ლექციებს და მოხსენებებს. ხოვლეში ადრინადა უკვე მაგიდას უჯდა და მუშაობდა, ხან ცხენით ახლო-მახლო მიდამოებში დადიოდა. ჩვენ კი აიენიდან გავეყურებდით გზას, როდის გამოჩნდებოდა მამა თავისი თეთრი ქუდი, რომელიც არაბეთში მოგზაურობის შემდეგ ჰქონდა შემონახული და ზაფხულობით ხმარობდა.

**კასპის მუნიციპალიტეტის მუზეუმებისა და ბიბლიოთეკების გაერთიანება**

### სეზონი - გაცყოი, სეზონი - მიმღინჯოი

**დასასრული. დასაწყისი გვ-2.**  
 - ხეობის ასაკობრივ ჯგუფებში გაერთიანებულია 900=950 აღსაზრდელი, რომელთა ასაკია 5-6 წლიდან 16 წლის ჩათვლით. აქვე აღვნიშნავთ ერთ მნიშვნელოვან ფაქტორს: ყველა ასაკობრივ ჯგუფში მეცადინეობა უფასოა.

2024 წლის განმავლობაში ჩვენს დარბაზებსა და მოედნებზე ჩატარდა რამდენიმე რესპუბლიკური ღონის პირველობა, წარსულში ცნობილი სპორტსმენების სახელობითი თუ გარდაცვლილი პიროვნებების მემორიალი, რომლებიც გათვალისწინებულია სხვადასხვა ფედერაციის კალ-

ენდარული წლიური გეგმებით. შიდა პირველობათა და სასოფლო სპორტული აქტივობების ჩამოთვლა ნამდვილად შორს წავიყვანდა.

**სპორტული ობიექტების ინფრასტრუქტურულ გამართულობაზე საუბარი და საოქმედი შედეგები იქნებოდა, რომ არა სათანადო პირობების შექმნა ჯერ სავარჯიშო გარემოს შესაქმნელად და მერე, მით უმეტეს, მიღწევებსა და სათანადო შედეგებზე:**

– კასპის ცენტრალური სტადიონის მინიმოდანზე სრულად განახლდა ხელოვნური მწვანე საფარი (რაზეც 64.000 ლარზე მეტი დაინარჯა), საფეხბურთო

სკოლის შენობაში გაიმართა გათბობის სისტემა, განახლდა გასახდლები, შეიცვალა კარები;

– კასპის საკალათბურთო დარბაზში შერემონტდა სავარჯიშო-სათამაშო იატაკი, გასახდლები, შეძენილია ახალი ფარები (თვითონ კალათბურთის ფედერაციამ კასპში საჩუქრად ჩამოგვითანა ელექტროტაბლო);

– ფიტნესკლუბში, სადაც ძალოსნები ვარჯიშობენ, შეიცვალა იატაკის საფარი, დაწესილი ნეპანელით დაიფარა კედლები, განახლდა გასახდლები და მთლიანი ელექტროსისტემა. სველი წერტილი; – საჭიდაო დარბაზში განახლებისთვის

სამუშაოები ჩატარა შპს “მათე – 2014“-ის ჯგუფმა (დირექტორი გავა ლაბაძე, შემსრულებელი ხელოსნები ლევან ლაბაძე და გიორგი კაპანაძე), კერძოდ: შეიქმნა, შეიფითხა და შეიღება კედლები ღია ფერის ტონალობაში, მოეწყო იატაკის საფარი ძალისძიერ სავარჯიშო კუთხეში.

საერთო ორგანიზაციული მხარდაჭერის თაობაზეც გვეუქმის თავმოსაწონი: ადგილებზე სათანადო პირობების შექმნა ხომ თავისთავადი, სასურველი და მიღწეულია, აი, გარეთ გასვლითი ღონისძიებების მხრივ ჩართულობაც გარანტირებულია: ყველა საშუალებით გუნდი და ნაკრები თუ ინდივიდუალური სპორტსმენი უზრუნველყოფილია

სამუშაოები ჩატარა შპს “მათე – 2014“-ის ჯგუფმა (დირექტორი გავა ლაბაძე, შემსრულებელი ხელოსნები ლევან ლაბაძე და გიორგი კაპანაძე), კერძოდ: შეიქმნა, შეიფითხა და შეიღება კედლები ღია ფერის ტონალობაში, მოეწყო იატაკის საფარი ძალისძიერ სავარჯიშო კუთხეში.

საერთო ორგანიზაციული მხარდაჭერის თაობაზეც გვეუქმის თავმოსაწონი: ადგილებზე სათანადო პირობების შექმნა ხომ თავისთავადი, სასურველი და მიღწეულია, აი, გარეთ გასვლითი ღონისძიებების მხრივ ჩართულობაც გარანტირებულია: ყველა საშუალებით გუნდი და ნაკრები თუ ინდივიდუალური სპორტსმენი უზრუნველყოფილია

ლოგებთან მათი პირადი მწვრთნელებიც. წლეგანდელი იანვრის დასაწყისში ჩვენი ძიუდოს რაიონის ნაკრების გუნდმა საწვრთნელ-სავარჯიშო შეკრება გაიარა სამთო კურორტ ბაკურიანში (სხვათა შორის, იქ ამ თებერვალში ჩატარდა ევროპის ახალგაზრდული ზამთრის ოლიმპიადი – ესეც ქართული სპორტის საერთაშორისო აღიარების მაგალითი).

დაბოლოს, როგორია ჩვენი მუშობის პროგნოზი 2025 წლისათვის? – შედეგითილა სამოქმედო კალენდარული გეგმები ყველა სახეობაში. ჰოდა, წელსაც ველოდებით სასურველ უკუგებას, ანუ, შედარებით უკეთეს შედეგებს, ვიდრე შარშან გვქონდა.

### მუსიკის პანაგონის ფარებით

**დასასრული. დასაწყისი გვ-4.**  
 \*\*\* საკუთარ პერსონას რომ გვაცნობდა გიგაურების ოჯახის კიდევ ერთი წევრი (ოქმელების, ასევე, ხელოვანი რძალი), სასოფლო კლუბის გამგე ია ზოდი-აშვილი, ბოლოს სათქმელი მანაც უმცროსებზე გადაიტანა, რაკი უფროსთა კეთილი მაგალითი გადამ-

დებია მომავალი თაობებისათვის: – დმანისელი ვარ. იქ, სოფელ დიდ დმანისში, დავამთავრე საჯარო სკოლა. 2003-07 წლებში ვისწავლე საქართველოს შოთა რუსთაველის სახელობის თეატრისა და კინოს სახელმწიფო უნივერსიტეტში. თითქმის ხუთი წელი ვასწავლიდი მშობლიური სოფლის სკოლაში მუსიკას. დალ-

ჯახების გამო მომიხდა საცხოვრებელი და სამსახურის ადგილის გამოცვლა. ოკმელი გიგაურების რძალი გავხდი. აქაც დიდი ენთუზიაზმით დავიწყე და დღემდე ასე ვმუშაობ სოფლის კლუბში. მიხარია, რომ ოკმელები სიმღერას აღმერტებენ.

მყავს მეუღლე და სამი ქალიშვილი: ბარბარე, ნინო და თამარი. როგორც წესი, ოჯახში ყველა უფროსი ვმღერით. არაა გასაკვირი, რომ დებიდან

უფროსსაც გაუჩნდა სიმღერის სურვილი. ოჯახის ხელშეწყობით შევიყვანეთ ქ. კასპის მუსიკალური სკოლაში. უკვე მისი ღონისძიებების აქტიური მონაწილეა (ხელმძღვანელი – შორენა შემაბერიძე). იგი კარგად უთავსებს ერთმანეთს სოფლის სკოლასა და კასპის მუსიკალურ სკოლაში სწავლას. აი, 2024 წელს ბარბარე გიგაური გახდა იქაური ერთ-ერთი მუსიკალური

სახელობითი კონკურსის გამარჯვებული. ეტრფის სპორტსაც და უკვე სამი წელია, იგი კასპის სპორტგაერთიანების კალათბურთის გოგონათა ჯგუფის წევრია.

ჩვენი ოჯახის ყველაზე პატარა წარმომადგენელი, ოთხი წლის თამარი, უკვე თავისუფლად გრძნობს თავს სიმღერის დროს. ის ჯერჯერობით სოფლის საბავშვო ბაღის აღსაზრდელია.

<b>ლიანა მღიპ-ვილი თანაუბრეობის მინი და აია აპოლონის დღის</b> <b>ნორა ნარბაჟის და მამის ჯიჟალ აპოლონის გარდასვენების ბაგი.</b>
<b>ნანა მერაბაშვილი თანაუბრეობის გუნდის, გივი და აია აპოლონის მინი აპოლონის გარდასვენების ბაგი.</b>

**რედაქციის შემოსული ნარილიანი არ რახანეირი და აპოლონის არ უპრინციპით**  
**გაზეთი იბეჭდება შპს „კოლმორ პრესში..“**

**რედაქცია ხელმძღვანელობს თავისუფალი პრესის პრინციპით.**  
**სტაჟიის აპოლონის ახრი, შესაძლოა არ ემთხვეოდნენ რედაქციის პრეს. მოგანილი ფაქტების სიუხვობა პასუხისმგებელია აპოლონის სარედაქციო მისაღები და განსხვავების შინაარსზე რედაქცია პასუხს არ აბამს.**  
**რედაქციის ნებართვის გარეშე მისაღები გამოქვეყნება იმარტდება.**

**რედაქცია**  
**ნანა მერაბაშვილი**  
**რედაქციის მისამართი: 2600 ქ კასპი**  
**საბაჟის ქ. № 68**  
**ტელეფონი 22-25-76**